

docriver 文川网  
入驻商家 古籍书城  
在文川网搜索古籍书城 获取更多电子书

中國方志叢書·華北地方·第三五二號

據 清·張伯魁纂修 影印  
清·嘉慶二十四年刊本

甘肅省

# 崆峒山志



4-29/07

成文出版社有限公司印行



中華民國五十九年 月壹一版

# 崆峒山志

全一册

發行人：黃 成 助

出版者：成文出版社有限公司  
台北郵政信箱二二六〇五號

台北市羅斯福路三段279之二號  
電話：三七〇一三二號

印刷者：東南印製廠有限公司  
和平西路二段70巷83弄29號

內政部登記證內版台業字第一一四七號

崆峒山志序

蓋聞星分金野正當斗極之垣  
地近瑤池直接崑崙之脈是以  
北極空桐名已傳於爾雅西連  
涇谷形曾附乎山經况黃帝廣  
成之所居昔聞至道秦皇漢武

docsriver 文川网  
入驻商家 古籍书城

在文川网搜索古籍书城 获取更多电子书

之所到代有仙踪也哉爾其五  
臺競秀萬壑爭流涇水繞其前  
湧出雲濤石海筭山聳其後宛  
然霧鬢煙鬟鶴洞元雲或翱翔  
乎緱嶺鳳山彩霧時掩映於朝  
陽虹跨仙橋海外飛來螭棟龜

浮蓮葉臺中擎出芙蓉獅子崖  
高肖狡狴之蹲踞馬駿峯峻儼  
騏驥之騰驤翡翠屏開曾出丹  
崖碧嶂琉璃泉湧噴來玉液瓊  
漿峯名蠟燭遊人不夜之燈臺  
號香爐仙子長春之篆欽寄萬

狀有非郭璞之所能名突兀千  
尋亦非盧敖之所能至者矣乃  
於唐宋兵戈之際久蕪沒於斷  
梗荒榛而自元明創建以來遂  
大營乎琳宮梵刹羽客緇衣時  
往來而留寓文人學士多唱和

簡命

以留題於是李鶴崖創修斯志  
傳流已過百年王秋浦手集成  
編採訪曾經廿載余也欽承  
出守名邦見其山川秀拔洵屬  
神臯輿區卷帙灑繁如入瓊林  
瑤圃重加纂修爰授剞劂非等




齊諧之誌怪豈同莊叟之談元  
抑又聞之名山作鎮每著風雲  
雷雨之功維嶽降神誕生特達  
圭璋之彥將見際金甌而調玉  
燭既為

國  
家祝豐樂之休賦鹿鳴而歌兔

朝

置更為

朝廷慶人才之盛豈徒效謝靈運  
之遊山柳宗元之作記云爾哉  
嘉慶二十四年己卯夏五  
中憲大夫知平涼府事海鹽張  
伯魁春溪氏題




重修崆峒志序

嘗攷祀典所載山林川谷邱陵能出雲爲風雨見怪物皆曰神况崆峒涇水爲寓內名山大川其出雲降雨所以靈佑生民者蓋巖巖乎一郡之望也迺自莊子有黃帝問道之說而古今好事者遂緣以爲神仙窟宅唐宋以來間有營建迄乎元明琳宮梵剎幾遍巖阿而文人墨客登臨其上率多題詠積成卷帙此崆峒志之所由作也余以辛亥春恭承

簡命來守是邦到任之初通告山川爲民祈福而崆峒尤  
爲夙昔所景仰及暇取舊志閱之見其殘缺殊甚字  
跡漫滅不可卒讀用爲浩歎數年來旱乾水溢到處  
有之而境內粗安風雨以時民人以和意者山靈其  
助我乎歲乙卯適奉檄刊修郡志因命紳士採輯崆  
峒志稿余手爲釐定冗者刪之缺者補之視舊志之  
未備者稍加詳矣是志也非敢寄情於山水也非敢  
竊比於作述也第以出雲降雨爲生民利濟所關表

而章之俾覩斯志者知神臯與區將與華山吳嶽同  
爲西北巨鎮是亦守土者之責也豈徒供卧遊之資  
已哉豈

嘉慶二年歲在丁巳六月吉旦朝議大夫知平涼府  
事前刑部貴州司郎中孟津閣曾履題於攸塵堂



崆峒志原敘

崆峒誌者誌崆峒之勝也崆峒之名甲寰宇而耀史册  
逝古亡論已卽今之騷客墨卿縉流羽士或咏游  
以壺抱或偃息以頤真孰非有契於茲山哉然前旣  
無傳後竟莫述山靈幾負矣鶴崖李君嗜古邃學採  
錄聞見編次成誌一覽而勝概險要舉在目前崆峒  
文獻庶其有徵乎潮也來守是邦披輿圖而思經理  
之閱地利而思保障之不能無感焉凡遊覽上公靡



不覩山河之固而畫安攘之策爲平郡萬世民社計也漫遊云乎哉是誌之作又豈徒然哉昔萬歷乙酉歲孟秋吉旦中憲大夫知平涼府事三河懷塘羅潮書於退省堂

docsriver 文川网  
入驻商家 古籍书城

在文川网搜索古籍书城 获取更多电子书


重修崆峒誌原序

余讀子厚諸遊記心竊好之旣嘉其文詞而尤怪永柳之地山水之佳勝獨擅於天下故能發遊者胸中之奇而抒之於文其瑰異乃至於此每思一見之而其地遠在三湘之南非遊跡所能至惟時讀柳子所記窮深極變如身入西山黃溪袁渴之中依然峭壁層巖長林邃壑幽泉怪石烟雲魚鳥漁歌樵唱互陳疊效於左右也故雖未至其處而所謂佳勝之概亦

庶幾於其記彷彿見之已順治九年余以部曹郎出  
守平涼考閱輿圖始知隸郡有崆峒者蓋西北之名  
山卽世所稱軒帝漢武之所遊幸者也抵治後亟往  
登其絕巘遍歷諸峯以及元宮梵刹無不周覽遂極  
殊峭怪特曠奧偉麗之觀耳目所接恍然有動於心  
急欲見之紀述如褰裳臨錢塘潮望而自返更無着  
足處因念嚮所度永柳山水之勝或未能過此而益  
信子厚之奇文善狀也暇則閱舊誌雖敘述未盡而

條目畧具凡前之所周覽者尙可手指而心憶之用  
以滌煩囂怡神志以資卧遊亦甚便也歲久字畫剝  
敝遂重訂鏤之以示後之孰勝如余者或取爲卧遊  
之具云爾昔順治庚子春王中憲大夫知平涼府事  
戶部廣西清吏司郎中大興李遇昌元感題於環青

閣



崆峒誌原序

志者史家之流也顧志名山與志郡邑異志郡邑者  
山陵川澤貢賦人物咸附麗其中志名山則郡邑之  
畫疆分社經緯錯綜翻若從名山大川而見所爲補  
職方所未備也余仕浙歷晉其間山川靈異莫不曠  
遊神越郡邑志乘亦皆採風問俗以紀盛事迨守涇  
原流覽王會知雍涼形勝甲寰宇而崆峒綿亘朔方  
爾雅云位應北極其地當扼塞峭拔尤稱佳勝登臨

其上遙看松際雲嵐石橋巖瀑五峯嶽立福庭鳥道  
輒不禁流連景光飄飄乎有馭氣乘風之意因慨然  
而嘆何須更問蓬島別覓僊蹤哉茲誌信不可泯也  
若一方之沃瘠貞淫歷代之沿革險要犁然具存固  
無容贅至停驂勝概問道殊踪鶴馭雲輶羽蛻緇幢  
寧志怪齊諧平遊宦縉紳歌咏著載帙中誠山史之  
董狐也或曰誌之爲言志也心之所之謂之志志凝  
神釋與灑氣俱則方寸之內有全誌焉先正有言見



山忘道見道忘山借境汰情豈徒以資騷人墨客卧  
遊已耶余非能文聊志此以附永礪云爾康熙辛亥  
菊月吉旦中憲大夫知平涼府事杏山程憲章世題  
於明致齋



崆峒山志總目

上卷

崆峒山全圖

崆峒山辨

古蹟

名勝

寺觀

仙踪  
附釋

隱逸

物產

下卷

詩賦

記論

五言古

五言律

五言截

七言古

七言律


七言截

峽

洞


全

圖



docsriver 文川网  
入驻商家 古籍书城

在文川网搜索古籍书城 获取更多电子书





崆峒不可圖也圖崆峒者特其  
似耳將使覩是誌者彷彿如見  
焉彼其峰壑蒼茫烟雲飛舞條  
忽之間千態萬狀即登臨而居  
寓者併其意象而忘之欲一言  
且不可得圖云乎哉